



АКАФИСТ

СВЯТИТЕЛЮ
Спиридону
Тримифунтскому



Тропарь, глас 4

Собора Пёрваго показáлся еси побóрник и чудотвóрец, богонóсе Спиридóне, óтче наш. Тёмже мёртву ты во грóбе возгласív и змíю в зláто претворíл еси, и внегда пéти тебе святýя молíтвы, А́нгелы сослужáщия тебе имёл еси, священнейшій. Слава Дáвшему тебе крéпость, слава Венчáвшему ты, слава Действующему́ тобою всем исцелéния.

Кондак, глас 3

Любóвию Христóвою уязвívся, священнейшій, ум вперív зарéю Дúха, дéятельным видéнием твоím дея́ние обрёл еси, Богоприятне, жéртвенник Божествéнный быв, прося́ всем Боже- ствénнаго сия́ния.



Акафист святителю Спиридону Тримифунтскому

Кондак 1

Препрославленный от Господа
святителю и чудотворче Спиридоне!
Ныне всечестную память твою празд-
нующе, яко много могущему споспеш-
ествовати нам о прославльшем тя
Христэ, умильно вопиём ти: избави нас
от всяких бед и зол, да с благодарением
зовём ти:

Радуйся, Спиридоне, предивный чу-
дотворче!



Икос 1

От юности украшенный всеми добродетельми, житием своим Ангелом подражавый, ты, святителю Спиридоне, воистинну показался еси друг Христов; мы же, зряще тя, небеснаго человека и земнаго Ангела, со благоговением умильно вопием ти:

Радуйся, уме, созерцай тайны Пресвятыя Троицы; радуйся, обогативыйся Духа пресветлым сиянием.

Радуйся, светильниче многосветлый; радуйся, ум твой безстрастием просветивый.

Радуйся, измлада истинную простоту и безмолвие возлюбивый; радуйся, украшение целомудрия.

Радуйся, любве неистощимая струя; радуйся, яко страннолюбия Авраама подражал еси.



**Ра́дуйся, яко всем любвеобильно
вхо́ды до́ма своего́ отверза́л еси́;
ра́дуйся, ни́щих предста́телю.**

**Ра́дуйся, пред ни́мже благоговéют
лю́дие; ра́дуйся, яко ты еси́ обита́-
лице Пресвята́го Ду́ха.**

**Ра́дуйся, Спиридо́не, предивный чу-
дотво́рче.**

Кондак 2

**Ви́дяще о́стров Кипр и вся христи-
а́нския страны́ нетле́нныя мо́щи
твоя́, святите́лю, от ни́хже истека́ют
обильная́ исцелéния, возра́довашася;
и мы, почита́юще тя яко преобиль-
наго исто́чника благода́ти, низпо́слан-
наго Св́ше нам, вопиéм к Верхóвному
Подáтелю Небе́сных и земных́ благ:
Аллилу́иа.**



Икос 2

Разум Божественный имый, аще сый пастырь безсловесных овец, ты произволением Пастыреначальника Христа избран был еси в пастыря овец словесных. Вернии же, разумевше тя добраго пастыря, неусыпно о стаде своем пекущагося, воспеваху:

Радуйся, архиерее Бога Вышняго, в хиротонии восприявый обильно Божественную благодать; радуйся, светильниче многосветлый, горяй и светяй.

Радуйся, верный делателю в вертограде Христовом; радуйся, пастырю, на пажити веры и благочестия паству свою воспитавый.

Радуйся, сияньми добродетелей твоих мир просвещавый; радуйся, Престолу Христову Божественную Жертву приносявый.



**Ра́дуйся, иерáрше, разумéнием
Правослáвия украшénный; ра́дуйся,
апóстольскаго учéния испóлненный,
вёрных струя́ми спасíteльнаго
учéния напая́й.**

**Ра́дуйся, я́ко и му́дрых озари́л еси́;
ра́дуйся, я́ко и просты́х сердца́
обнови́л еси́.**

**Ра́дуйся, сла́во правослáвных
и Це́ркве непоколебíмое утверж-
дéние; ра́дуйся, украшéние отцёв,
сла́ва и похвалó иереев благого-
вэйных.**

**Ра́дуйся, Спиридо́не, предíвный чу-
дотво́рче.**

Кондак 3

**Си́лою Вы́шняго, осенíвшею тя,
святíteлю Спиридо́не, богому́др ты
показáлся еси́ и, сжáвши длáнию глíну,
тройчность Лиц всем очевíдно уясни́л
еси́: тёмже лжемúдри и филóсофи,**



собрáвшиися на Собóре, ужасóшася, вёрнии же непостиж́имаго прослáвиша Бóга, умудр́ившаго тя во спасéние, вопию́ще Емú: Аллилу́иа.

Икос 3

Имéюще тя в помышл́ениях сво́их вси отцы́ Собóра прóста, неискúсна в кн́ижнем учéнии, моли́ша тя, óтче Спиридóне, не препира́тися словесы́ с вет́иею, мня́щимся мудр б́ити. Ты же, свят́ителю, рéвностию по Бóзе распа́лаемый, вéруя, я́ко прóповедь Христóва не в препрétельных мúдрости чело́веческия словесéх, но в явлéнии дúха и с́илы, премúдре тогó облич́ив, вразум́ил и на путь й́стинный настáвил еси́. Вси, видевше чúдо сие́, взывáху:

Рáдуйся, свéте правослáвныя мúдрости; рáдуйся, я́ко глагóлемых б́ити мúдрых совопрóсников посрам́ил еси́.



**Ра́дуйся, исто́чнице, благода́тию
обильный; ра́дуйся, непоколебимый
сто́лпе, твёрдо содержа́щий су́щих
в ве́ре.**

**Ра́дуйся, омрача́я всепа́губную
е́ресь; ра́дуйся, чрез него́же попра́но
бысть безу́мие.**

**Ра́дуйся, я́ко персть земна́я пропо́-
ве́да тво́йма рука́ма Святу́ю Тро́ицу;
ра́дуйся, я́ко из гли́ны извёл еси́
огнь и во́ду во утвержде́ние догма́та
Святы́я Тро́ицы.**

**Ра́дуйся, я́ко просвети́л еси́ люди́
сла́вити Сло́во, вои́стинну Едино-
су́щное Пребезнача́льному Отцу́;
ра́дуйся, я́ко зми́еву главу́ па́губныя
А́риевы е́реси порази́л еси́.**

**Ра́дуйся, я́ко тобо́ю пожёрта бысть
зло́ба; ра́дуйся, неверна́го мудреца́
совопрóсника к и́стинней ве́ре обра-
ти́вый.**



**Ра́дуйся, Спиридо́не, предивный чу-
дотво́рче.**

Кондак 4

**Жизнь проводя́ в убо́жестве
и нищете́, ни́щим и бе́дным был еси́
пита́тель и помо́щник и, любве́ ради
к ни́щим, змя́ в зла́то преложи́л еси́
и дал еси́ о́ное тре́бующему твоея́
по́мощи. Дивя́щися о чудеси́ сем, благо-
да́рственно вопи́ем к Бо́гу: Аллилу́иа.**

Икос 4

**Слы́шано бы́сть всем и всю́ду, я́ко
святíteль Спиридо́н вои́стинну есть
жили́ще Святы́я Трои́цы: всели́ся
бо в нем Бог Оте́ц, Бог Сло́во и Бог
Дух Святы́й. Сего́ ради ты словеси́
и дея́ньми пропове́дал еси́ всем
христиа́ном воплоще́ннаго и́стиннаго**



Бога, вопиющим:

**Радуйся, словес Божиих тайнниче;
радуйся, домостроительство Божие
о спасении мира уяснивый.**

**Радуйся, яко научил еси не испытывати
эже есть превыше разума
и мудрости человеческия; радуйся,
непостижимую действующую в тебе
силу Божию явивый.**

**Радуйся, яко устами твоими провещал
Сам Бог; радуйся, яко вси послушаху
тебе в сладость.**

**Радуйся, мглу идолослужения
разгнавый; радуйся, яко многих
к истинней вере привел еси.**

**Радуйся, яко главы невидимых
змиев поразил еси; радуйся, яко
тобою прославляется вера христианская.**

Радуйся, яко светло озаряеши всех



ублажающих тя; радуйся, поборниче
христианския веры и Православия.

Радуйся, Спиридоне, предивный чудотворче.

Кондак 5

Божественнаго Духа преисполнен
был еси, святителю Спиридоне, ради
добродетельнаго жития твоего; зане
кроток, милостив, чист сердцем, терпе-
лив, непамятозлюбив, страннолюбец
был еси: сего ради Творец и в чудесах
преславна показа тя. Мы же, прослав-
ляя Бога, прославльшаго тя, вопием
Ему: Аллилуиа.

Икос 5

Равноангельна Спиридона зрим,
великаго чудотворца. Некогда страна от
бездонья и засухи вельми пострадала:
бысть глад и язва, и многое множество



люде́й умро́ша, моли́твами же святы́-
теля снѣде с небесе́ на зѣмлю дождь;
люди́е же, избáвльшеся от бѣдствія,
благодáрственно взывáху:

Ра́дуйся, вели́кому проро́ку Или́
уподо́бивыйся; ра́дуйся, я́ко дождь,
отъѣмлющій глад и недúги, благо-
вре́менно низвѣл еси́.

Ра́дуйся, па́ки моли́твами сво́ими
не́бо заключи́вый; ра́дуйся, я́ко
немилосѣрдаго купца́ лишѣнием
имѣнія наказáл еси́.

Ра́дуйся, я́ко трѣбующим пи́щу
обильно даровáл еси́; ра́дуйся, я́ко
любоблагоутрѣбие Бѣ́га к люде́м
подвизáеши.

Ра́дуйся, взѣмляй не́мощи немощ-
ных; ра́дуйся, богоблагодáтный
челове́ком помѣщниче.

Ра́дуйся, боля́щим здравіе пода-



**ва́яй; ра́дуйся, егóже трепéщут
дéмони.**

**Ра́дуйся, безчísленных чудéс исто́ч-
ниче.**

**Ра́дуйся, Спиридо́не, предíвный чу-
дотво́рче.**

Кондак 6

**Завéса ветхозавéтной скíнии
закрыва́ше во Свята́я святы́х ковчéг,
ма́нну и скрижа́ли. И храм твой, святы́-
телю Спиридо́не, име́ет ра́ку твою́, я́ко
ковчéг, святы́я мо́щи твоя́, я́ко ма́нну,
се́рдце твоё, я́ко скрижа́ли Божé-
ственная благода́ти, на нíхже зрим
начертáнную песнь: Аллилúа.**

Икос 6

**Нарóд Кíпра нéкогда за умножéние
беззакóний наказá Господь беспло́-
дием земли́. Егда́ же при́де к свято́му
Спиридо́ну зна́емый земледéлец,**



прося́ по́мощи, даде́ ему́ святы́й зláто;
мину́вшу же бѣдствию, земледѣлец
о́ный возврати́ паки зláто, и, о чудесѣ!
— зláто змѣй бысть. Прославляюще
Бо́га, дѣвнаго во святы́х Свои́х, вопиѣм:

Ра́дуйся, я́ко Моисе́ю, чудесно
преложившему жезл в змѣя, подра-
жал еси́; ра́дуйся, человеколю-
бивый па́стырю, избавля́й от бед
словесныя о́вцы ста́да своего́.

Ра́дуйся, обѣльно всех все́ми
блага́ми обогаща́й; ра́дуйся, я́ко
Илиа́, бѣдных пита́вый.

Ра́дуйся, немилосѣрдых к мило-
сѣрдию обраща́й; ра́дуйся, досто-
подража́емый примѣр любве́ для
челове́ков, в ми́ре живу́щих.

Ра́дуйся, ве́рных и неве́рных в беда́х
утешѣние; ра́дуйся, дре́во сенноли́-
ственное, град и страну́ осеня́ющее.

Ра́дуйся, сла́во и похвало́ керки-



**ря́н; ра́дуйся, над вла́гою и су́шею,
знóем и хла́дом благода́тию Бо́жиею
влады́чествуяй.**

**Ра́дуйся, уста́вы землі моли́твою
пременя́й; ра́дуйся, бу́дущая, я́ко
настоя́щая, прови́девый.**

**Ра́дуйся, Спиридо́не, предивный чу-
дотво́рче.**

Кондак 7

**Хода́тай пред Го́сподем за всех
яви́лся еси́, святите́лю Спиридо́не:
сего́ ра́ди и мы прибега́ем под кров
твой, и́щуще спасе́ния, вси бо помо́щ-
ника тебе́ има́мы во всех ну́ждах, во
вре́мя гла́да, смертоно́сныя язвы́ и во
вся годи́ны бед и искуше́ний. Сего́ ра́ди
благода́рственно вопие́м Бо́гу: Алли-
лу́иа.**



Икос 7

Нóвое чúdo вíдим и боголéпное;
егдá ты, óтче, шéствовал избáвити
неповíнно осуждénнаго на смерть,
бúрный потóк преградí путь тебé; ты
же íменем всемогúщаго Бóга повелél
емú стáти и прешёл есí со спúтники
чрез рéку, я́ко по сýху. Слáва о сем
чудесí распространíся всюду, и вси
прослáвиша Бóга, вопиюще к тебé:

Рáдуйся, я́ко иногда́ Иисýс Навín
чрез Иордán, рéку по сýху прешéдый;
рáдуйся, рéчная устремлénия глáсом
своím укротívый.

Рáдуйся, я́ко трúдный путь пред-
приял есí, двíжимый милосéрдием;
рáдуйся, я́ко клеветú разрушил
есí и неповíннаго от уз темнícы
и напрáсныя смёрти избáвил есí.

Рáдуйся, жízни по Бóзе благíй



поспéшнице; рáдуйся, неповíнно угнетéнных защитíтелю.

Рáдуйся, уставов естества вóднаго пременíтелю; рáдуйся, я́ко судию́ вразумíл еси́ и от убíйства спасл еси́.

Рáдуйся, íстинное исправлéние душ; рáдуйся, дíвная síло, потóки удéржавающая.

Рáдуйся, усладя́ющий сердца́ челове́ков, к тебé притека́ющих; рáдуйся, человеколю́бию Авра́ама подража́телю.

Рáдуйся, Спиридо́не, предíвный чудотво́рче.

Кондак 8

Стра́нник и пришле́ц был еси́ на земли́, я́коже и прóчии челове́цы. Обáче из чре́ва ма́тере Всеведу́щий вели́каго уго́дника и чудотво́рца показá ты,



святителю Спиридоне: бѣсы бо изгоняеши, всякую болѣзнь и язву исцеляеши, помышления людей зриши, темже и дивен во святыхъ показался еси. Мы же, возсылающе молитву ко Благодателю всехъ Богу, вопиемъ Ему: Аллилуиа.

Икос 8

Весь миръ ужасомъ многимъ содрогнуса, егда услыша, яко смерть, по гласу твоему, возвращаетъ изъ гробовъ мертвецы своя, и возопи:

Радуйся, умершую дочь свою, да явитъ врученное ей сокровище, къ жизни воззавый; радуйся, скорбную вдовицу, на сохранение злато вдавшую, утешивый.

Радуйся, умершее отроча изъ мертвыхъ воскресивый; радуйся, яко мать его, внезапно от радости умершую, ожививый.



Ра́дуйся, я́ко уподо́бился еси́ Илий, моли́твами сы́ну Сарéптския жене́ жизнь возврати́вшему; ра́дуйся, я́ко и Елисе́ю, возбуди́вшему от сме́рти отроча́ подража́л еси́.

Ра́дуйся, па́стырю, приискренне любящий челове́ки; ра́дуйся, жене́ блудни́це, слеза́ми но́зе твоёй омывше́й, грехи́ и́менем Бо́га отпусти́вый.

Ра́дуйся, святу́ю ре́вность верхо́внаго апо́стола стяжа́вый; ра́дуйся, я́ко нераска́янная грéшница, по глаго́лу твоёму́, в тяжких боле́знях у́мре.

Ра́дуйся, земли́ плодонóсие моли́твами тво́ими испроси́вый; ра́дуйся, непрелóжное воскресе́ния челове́ков увере́ние.

Ра́дуйся, Спиридо́не, предивный чудотво́рче.



Кондак 9

Духа Божественнаго осияньми озарён был еси, святителю Спиридоне, имёл бо еси духа премудрости, яко мудрыми словесы безумных обуил еси и посреде отцев веру утвердил еси, духа разума, яко умы омраченныя озарил еси; духа страха Божия, яко вину делания богоугодными душу очистил еси. Темже, представ Престолу Вышняго, с сонмом Ангелов воспеваше Ему: Аллилуиа.

Икос 9

Жезл пастыря словесных овец от Пастыреначальника Господа Иисуса приемый, святый Спиридон не премени жития своего: нестяжателен, кроток, любви ради вся терпай, не постыдися пещися и о стаде безсловесных овец. Вся сия возбуждают нас славити Бога и взывать тебе:



**Ра́дуйся, сла́ву ми́ра сегó я́ко
сúетную презрэ́вый; ра́дуйся, мзду
мно́гу на небесéх стяжа́вый.**

**Ра́дуйся, кра́сная ми́ра сегó
в умéты вменíвый: ра́дуйся, сосúде
Небéсных благ.**

**Ра́дуйся, святéйшая па́жите кипри-
óтов; ра́дуйся, я́ко тебé ра́ди Бог
хи́щников овéц твои́х неvíдимыми
у́зами связа́.**

**Ра́дуйся, та́тем отéческое вразум-
лéние препода́вый; ра́дуйся, по
милосéрдию твоemú за проведенную
без сна но́чь óвна им дарова́вый.**

**Ра́дуйся, непослуша́нием ко́злица,
я́ко бы ра́зум имúщаго, купца́, утайв-
шаго це́ну его́, обличíвый; ра́дуйся,
утайвшаго срэ́бреники твоя́ к пока-
я́нию приве́дый.**

**Ра́дуйся, я́ко стра́сти корыстолюбия
увещáнием сво́им исцели́л еси́ его́.**



**Ра́дуйся, Спиридо́не, предивный чу-
дотво́рче.**

Кондак 10

**Спасая́й ду́ши па́стывы, Бо́гом тебе́
ввѣренныя, ты, святите́лю Спиридо́не,
произво́лением Бо́жиим, зван был еси́
явѣти сла́ву свою́, па́че же сла́ву Истин-
наго Бо́га, и в инѣя страны́, да всюду
сла́вят ѿмя Бо́жие, вопиюще́: Алли-
лу́иа.**

Икос 10

**Ско́рый помо́щник и засту́пник
во вся́ких ну́ждах и ско́рбех, святы́й
Спиридо́н, по повелѣнию царѣву, я́коже
и прѣчи па́стыри, при́де во град Анти-
охи́ю, иде́же бе одержи́мый болѣзнию
царь Константѣй; святите́ль главы́ его́
косну́ся и сотвори́ здра́ва. Сему́ чудеси́
дивя́щеся, вопиѣм ти:**



**Ра́дуйся, егóже в со́нном видéнии
А́нгел, я́ко целі́теля, яví царю́;
ра́дуйся, Божéственныя ра́ди любвé
тру́дный путь в ста́рости воспри-
я́вый.**

**Ра́дуйся, царéву рабу́, уда́рившему
тя в лані́ту, по за́поведи Спасі́-
теля, другúю подста́вивый; ра́дуйся,
сто́лпе смире́ния.**

**Ра́дуйся, моли́твами сво́ими слéзно
прося́щему царю́ здра́вие даро-
ва́вый; ра́дуйся, я́ко уничиже́нием
сво́им раба́ вразумі́л еси́ и немі́ло-
стивый нрав егó премені́л еси́.**

**Ра́дуйся, я́ко благоче́стию и мило-
се́рдию царя́ научі́л еси́; ра́дуйся,
я́ко, ненави́дяй земна́я сокро́вища,
зла́то царя́ отве́ргл еси́.**

**Ра́дуйся, я́ко ученика́ своегó
Трифі́ллиа от пристра́стия
к земны́м бла́гам отврати́л еси́**



и сосúдом благодáти Бóжия содéлал еси́; рáдуйся, я́ко пришéдшу тебé в Александрíю íдоли падóша.

Рáдуйся, емúже и бéси повинúются; рáдуйся, я́ко от идолослужéния мнóгих отвратíл еси́.

Рáдуйся, Спиридóне, предíвный чу-
дотвóрче.

Кондак 11

Пéние áнгельское бысть, егда́ во хра́ме приносíл еси́, святítелю Спири-
дóне, вечéрняя молíтвы Твоя́, и не бéша сослужáщии тебé. Жíтелие же гра́да, дíвное пéние слýшавше, внидо́ша в храм и, никогóже víдевше, с Гóрними сíлами воспева́ху: Аллилúиа.

Икос 11

Светозáрное со́лнце мíрови, собе-
сédник Áнгелов был еси́ на землí,



святителю Спиридо́не; преда́в же дух твой в ру́це Бо́жии, пресели́лся еси́ в Го́рняя селéния, моля́ся за мир пред Престо́лом Влады́ки. Мы же, живúщи на землѣ, вопи́ем ти:

Ра́дуйся, я́ко тебé, ещé жи́ву сýщу, сослужа́ху А́нгели; ра́дуйся, псалмопéние Арха́нгелов слы́шавый.

Ра́дуйся, ви́димый о́бразе на́шего преображе́ния; ра́дуйся, я́ко недоста́вшу елéю в хра́ме Бог тебе́ ра́ди с избы́тком лампа́ды напо́лни тем.

Ра́дуйся, лампа́до Божéственнаго сия́ния; ра́дуйся, сосúде благода́ти Бо́жией, обѣ́льно, подо́бие елéю, наполня́ющей дýшу твою́.

Ра́дуйся, неизсяка́емый исто́чнице, прѣсно источа́ющий всем то́ки благода́ти; ра́дуйся, о нёмже изумля́ются А́нгели.



Ра́дуйся, преслуша́ние диа́кона
в хра́ме наказáвый; ра́дуйся, тщес-
ла́вившагося сво́им глáсом, и глáса,
и язýка лишívый.

Ра́дуйся, я́ко во вре́мя зно́я,
внеза́пу росá, снизше́дшая Св́ше,
свяще́нную твою́ главу́ прохладí;
ра́дуйся, в зна́мени сем б́лизость
преставле́ния своего́ пров́идевый.

Ра́дуйся, Спиридо́не, предíвный чу-
дотво́рче.

Кондак 12

Покро́в и прибе́жище б́вый
всем к тебе́ притека́ющим ве́рным
еще́ в жити́й твоём, ты, святíteлю,
не оста́вил еси́ нас си́рых и по твоём
успе́нии; Бог, побежда́ющий естества́
чин, сохрани́ святы́е мо́щи твоя́ нетле́н-
ными во укрепле́ние правосла́вныя
ве́ры и благоче́стия, в зна́мение



безсмёртия, Егóже прославляюще,
вопиём: Аллилúиа.

Икос 12

Воспеваём ты, святителю Бóжий, яко
удивил еси мир чудесы, истекáющими
от святых мóщей твоих. Все бо с вéрою
приходящи и лобызáющими их полу-
чают вся благопотрѣбная просима.
И мы, давшаго тебе крѣпость, венчав-
шаго ты венцем нетлѣния и дѣйстви-
ющаго тобою Бóга прославляюще,
вопиём ти:

Рáдуйся, во время глáда корабель-
ником явивыйся, и пищу достáвити
повелѣвый; рáдуйся, слепым,
с вéрою притѣкшим к святым мóщем
твоим, зрѣние даровавый.

Рáдуйся, от неисцѣльнѣя болѣзни
óтрока исцѣливый; рáдуйся, бѣса
из жены изгнавый и здраву сотво-
ривый.



**Ра́дуйся, возбу́ренный воево́до
Керки́ры; ра́дуйся, я́ко по́лчища
злочести́вых ага́рян изгна́л еси́
и корабли́ их в пучи́не потопи́л еси́.**

**Ра́дуйся, егóже ви́деша окру́жен-
наго со́нмом А́нгелов, в десни́це
меч держа́вша и в трéпет враго́в
привéдша; ра́дуйся, создáти себé
храм, во éже соверша́ти в нем литур-
ги́ю на прéсном хлéбе, воево́де
 возбу́ренный.**

**Ра́дуйся, воево́ду лати́нскаго люто́ю
смéртию порази́вый; ра́дуйся,
мо́лниею изображе́ние егó в до́ме
в Вене́ции соже́гший.**

**Ра́дуйся, отсту́пльства и лжемудро-
ва́ния За́пада посрами́вый; ра́дуйся,
еди́ную правосла́вную ве́ру бы́ти
исти́нную и спаси́тельную для чело-
ве́ков утверди́вый.**

**Ра́дуйся, Спиридо́не, предивный чу-
дотво́рче.**



Кондак 13

О пречудный святителю Христов, отче Спиридоне! Нынешнее наше моление прием, избави нас от всех бед и напастей, укрепи на враги страну нашу, даруй нам оставление прегрешений и изми от вечныя смерти всех вопиющих о тебе к Богу: Аллилуиа.

Этот кондак читается трижды.

Икос 1

От юности украшенный всеми добродетельми, житием своим Ангелом подражавый, ты, святителю Спиридоне, воистинну показался еси друг Христов; мы же, зряще тя, небеснаго человека и земнаго Ангела, со благоговением умильно вопием ти:

Радуйся, уме, созерцай тайны Пресвятыя Троицы; радуйся, обога-



тѣвьйся Дѹха пресвѣтлым осія́нием.

Рáдуйся, светѣльниче много-свѣтлый; рáдуйся, ум тво́й безстра́стием просветѣвый.

Рáдуйся, измла́да ѳстинную простоту́ и безмо́лвие возлюбѣвый; рáдуйся, украше́ние целомудрия.

Рáдуйся, любвѣ неисто́щяая струя́; рáдуйся, я́ко страннолю́блю Авраа́ма подража́л еси́.

Рáдуйся, я́ко всем любвеобѣ́льно вхо́ды до́ма своегó отверза́л еси́; рáдуйся, ни́щих предста́телю.

Рáдуйся, пред ни́мже благоговѣ́ют лю́дие; рáдуйся, я́ко ты еси́ обита́лице Пресвята́го Дѹха.

Рáдуйся, Спиридо́не, предѣ́вный чудотво́рче.



Кондак 1

Препросла́вленный от Го́спода
святите́лю и чудотво́рче Спиридо́не!
Ны́не всечестну́ю па́мять твою́ прáзд-
нующе, я́ко мно́го могу́щему споспе́-
шествовати нам о просла́вльшем тя
Христé, умíльно вопи́ем ти: избáви нас
от вся́ких бед и зол, да с благодарéнием
зовéм ти:

Ра́дуйся, Спиридо́не, предíвный чу-
дотво́рче.

Молитва

О вели́кий и пречу́дный святí-
телю Христóв и чудотво́рче Спиридо́не,
Керки́рская похвалó, всея́ вселénныя
светíльниче пресвётлый, тёплый
к Бо́гу моли́твенниче и всем к тебе́
прибегáющим и с véрою моля́щимся
скоропредста́тельный заступ́ниче!



Ты вѣру правосла́вную на Никѣ́йстем Соборе́ посреде́ отце́в пресла́вно изъясни́л еси́, триеди́нство Святы́я Тро́ицы чуде́сною си́лою показáл еси́ и ерети́ков до конца́ посрами́л еси́. Услы́ши нас, грѣшных, святíteлю Христóв, моля́щихся тебе́, и си́льным тво́им предста́тельством у Го́спода изба́ви нас от всяка́го зла́го обстоя́ния: от гла́да, потóпа, огня́ и смертоно́сныя язвы. Ты бо во вре́менной жи́зни сво́ей от всех сих бѣдствий избавля́л еси́ люде́й твои́х: от нашѣствия агáрян и от гла́да страну́ твою́ сохрани́л еси́, царя́ от неисцѣльнаго недúга изба́вил и мно́гия грѣшники к покая́нию привёл еси́, мѣртвых пресла́вно воскрешáл еси́, за свято́сть же жития́ твоего́ А́нгелы неви́димо в цѣркви пою́щия и сослужáщия тебе́ имѣл еси́. Си́це úбо просла́ви тебе́, вѣрнаго Сво́его раба́, Влады́ка Христóс, я́ко вся та́йная челове́ческая дея́ния



дарова́ тебе́ разумѣти и облича́ти
непра́ведно живу́щия. Мно́гим в ску́-
дости и недоста́точестве живу́щим
ты усѣ́рдно помога́л еси́, лю́ди убо́гия
изобѣ́льно во вре́мя гла́да напитáл
еси́ и и́на мно́га зна́мения си́лою
в тебе́ живу́щаго Ду́ха Бо́жия сотво-
ри́л еси́. Си́це и нас не оста́ви, святы́-
телю Христóв, поминáй нас, чад сво́их,
у Престо́ла Вседержíteля и умоли́
Го́спода, да пода́ст мно́гих на́ших грехóв
проще́ние, безбѣ́дное и ми́рное жити́е
да да́рует нам, кончи́ны же живота́
непосты́дныя и ми́рныя и блаже́нства
вѣчнаго в б́удущем вѣ́це сподо́бит нас,
да вѣ́ну возсыла́ем сла́ву и благода-
ре́ние Отцу́, и Сы́ну, и Ду́ху Свято́му,
ны́не, и прѣ́сно, и во вѣ́ки веко́в. Ами́нь.



Величание

Велича́ем тя, святíteлю о́тче Спири-
дóне, и чтим святúю пáмять твою́, ты бо
мо́лиши за нас Христа́ Бо́га нáшего.



Расписание чтения акафистов

| | | |
|----|---------------------------------|--|
| ПН | 2:00, 8:00, 14:00, 20:00 | Михаилу Архангелу |
| | 2:30, 8:30, 14:30, 20:30 | Ангелу-Хранителю |
| | 3:00, 9:00, 15:00, 21:00 | прп. Сергию Радонежскому |
| ВТ | 2:00, 8:00, 14:00, 20:00 | прор. Иоанну Предтече |
| | 2:30, 8:30, 14:30, 20:30 | муч. Авраамию Болгарскому |
| | 3:00, 9:00, 15:00, 21:00 | прп. Серафиму Саровскому |
| СР | 2:00, 8:00, 14:00, 20:00 | Б. М. «Неупиваемая Чаша» |
| | 2:30, 8:30, 14:30, 20:30 | Б. М. «Умягчение злых сердец» |
| | 3:00, 9:00, 15:00, 21:00 | Б. М. «Всецарица» |
| ЧТ | 2:00, 8:00, 14:00, 20:00 | свт. Николаю |
| | 2:30, 8:30, 14:30, 20:30 | вмч. и Победоносцу Георгию |
| | 3:00, 9:00, 15:00, 21:00 | блж. Матроне Московской |
| ПТ | 2:00, 8:00, 14:00, 20:00 | Б. М. «Взыскание погибших» |
| | 2:30, 8:30, 14:30, 20:30 | муч. Гурию, Самону, Авиву |
| | 3:00, 9:00, 15:00, 21:00 | свт. Спиридону Тримифунтскому ← |
| СБ | 2:00, 8:00, 14:00, 20:00 | вмч. и целителю Пантелеимону |
| | 2:30, 8:30, 14:30, 20:30 | За единоумершего |
| | 3:00, 9:00, 15:00, 21:00 | Б. М. «Казанская» |
| ВС | 2:00, 8:00, 14:00, 20:00 | Покрову Божией Матери |
| | 2:30, 8:30, 14:30, 20:30 | Б. М. «Нечаянная Радость» |
| | 3:00, 9:00, 15:00, 21:00 | Слава Богу за всё |